



«Sin via ad in Vus adina pli grond»

Di dallas migrantas e dils migrants – 26-9-2021 – annunzia per la collecta

Papa Francestg appellescha a caschun dil di dallas migrantas e dils migrants da “unir danovamein la famiglia humana per saver ereger in futur communabel en giustia e pasch e da procurar che negin” mondi en emblidanza, gest quels buca che han specialmein da basegns d’in schurmetg e d’in agid.

La collecta hodierna sustegn perquei en collaboraziun cun migratio e Baselgia en miseria dus proiects en Mosambic ed en Tansania che vulan dar sustegn e speronza a carstgauns fugitivs: el nordost da Mosambic entras pachets cun vivondas ed el vest dalla Tansania entras possibilitar ina pastoraziun en dus camps da fugitivs.

Era tier nus vivan biaras catolicas e biars catolics ch’ein dapi cuort ni pli liung temps en Svizra. Entras la collecta vegn la pastoraziun en pintgas cuminonzas d’auters lungatgs sustenida, per exempel per ils Eritreans, ils Ucranaïis ni ils Siro-Malabars (schinumnai Thomaschristen) ni era per pintgas cuminonzas da lungatgs slavs.

Cordialmein engraziein nus a vus per vies sustegn.